

## ԿՅԱՆՔԸ ՉՈՂԵԼ ԲԱՐԵԿԱՄՆԵՐԻ ՀԱՄԱՐ

Հովհաննես Ավետարանչի 15-րդ գլխի 12-15 համարներում Հիսուս աշակերտներին համարում է Իր բարեկամները, այլ ոչ թե Իր ծառաները:

*«Այս է իմ պատվերը. որ սիրեք միմյանց, ինչպես որ ես սիրեցի ձեզ: Ավելի մեծ սեր ոչ որ չունի, քան այն, որ մեկն իր կյանքը տա իր բարեկամների համար: Դուք իմ բարեկամներն եք, եթե անեք այն, ինչ որ ես ձեզ պատվիրում եմ: Այլևս ձեզ ծառաներ չեմ կոչում, որովհետև ծառան չգիտի, թե տերն ինչ է անում. այլ ձեզ բարեկամներ կոչեցի, որովհետև այն բոլորը, ինչ իմ Հորից լսեցի, հայտնեցի ձեզ» (Հովհ. 15:12-15):*

Մեծ փիլիսոփա Սոկրատը հարցնում է մի ծերունու, թե իր կյանքում ինչի՞ համար է բոլորից շատ գոհ ու երախտապարտ: Նա պատասխանում է: *«Երախտապարտ եմ այսօրվա եղածիս և իմ բարեկամների համար, որ ունեմ»:*

Բարեկամ բառը կապված է *«Բարիք և կամենալ»* բառերից: Ճշմարիտ բարեկամը միշտ բարին է ցանկանում:

Անգլիայի Վիկտորիա թագուհին հետևյալ վկայությունն է տալիս իր երկու վարչապետների մասին. *«Երբ Վիլյամ Կլատսոնի հետ եմ խոսում, կարծում եմ, թե ինձ հետ է աշխարհի կարևորագույն առաջնորդներից մեկը, իսկ, երբ Բենիամին Տիլդրայելի հետ եմ խոսում, նա ինձ պահանջ է տալիս, թե ես աշխարհի մեծագույն և ամենակարևոր առաջնորդներից մեկն եմ»:*

Քրիստոնյաները կանչվել են բարեկամ լինելու և բարեկամ շահելու, որովհետև նրանք մաս են կապում նույն ընտանիքին:

Ժողովրդական գեղեցիկ և իմաստուն խոսք է. *«Մինչև քեզ նեղություն չտաս, ուրիշին բարիք չես կարող անել»:*

Իմ այս խոսքերը հաստատելու համար, ուզում եմ ձեզ հետաքրքիր մի դեպք պատմել. կյանքից վերցված մի իրողություն, որ մարդը իր երիտասարդ կյանքը պահում է ընկերոջ համար: Բոլորիս համար էլ պարզ է, որ ամեն մարդ չի կարող այս պոհողությունը կատարել, եթե իր սիրտն ու հոգին լցված չլինի քրիստոնեական սի- բով և հավատքով:

Սա տեղի է ունեցել Ամերիկայի հարավային նահանգներից մեկում:

*«Մի օր գերեզմանատան մեռելաթաղը տեսնում է օտարական մեկին, որ տարիներ առաջ թաղված մի պինվորի գերեզմանի վրա դառնորեն արտասվում էր և առատորեն թանկարժեք ծաղիկներ դնում նրա գերեզմանին:*

*Նա հետաքրքրությունից դրոշմված մտանում է անծանոթին ու հարցնում.*

- *Ձեր պավակն է այս գերեզմանում հանգչողը:*

- *Ոչ:*

- *Ձեր եղբայրն է:*

- *Ոչ:*

- *Ձեր ազգականներից մեկն է:*

- *Երբեք:*

- *Խնդրում եմ, թույլ տվեք հարցնել նորից, թե ո՞վ է այս հանգուցյալը, որի համար այսքան առատ արցունք եք թափում:*

*«Մանկության ժամանակվա մի բարեկամ է, ասում է անծանոթը,- որը պատե-  
րազմի շրջանին, նկատի ունենալով իմ բազմաանգամ ընտանիքի ապրուստի պատասխանա-  
տվությունը, այդ օրերին տիրող օրենքի համաձայն, իմ տեղը վիճակագրվեց այն համոզ-  
մամբ, որ ամուսնացած չէր, ծնողներ չունեի. խղճաց ինձ և եղբայրական անկեղծ զգա-  
ցումներից մղված գնաց պատերազմի դաշտ, ծանր վիրավորվեց և այլևս տեղեկություն  
չունեցա իր մասին:*

*Ամբողջ հինգ տարի փնտրեցի նրան և վերջապես ինձ հայտնեցին, թե մահացել էր  
և թաղվել այս քաղաքի գերեզմանատան մեջ: Երեք հազար մղոն ճամբորդեցի և հիմա  
ուրախ եմ, որ իր մոտ եմ գտնվում ու կարող եմ գոնե արցունքով և աղոթքով իմ երախտա-  
գիտությունը հայտնել իմ հերոս բարեկամին...»:*

Այս պատմելուց հետո, օտարականը հուզված քանդում է իր հետ  
բերած մեծ կապոցը, որը իրենից ներկայացնում էր մի պղնձե գեղեցիկ խաչ  
և դնում գերեզմանի վրա: Խաչի վրա պղնձե տառերով գրված էր հետևյալ  
նախադասությունը.

*«ԻՆՁ ՀԱՄԱՐ ՄԵՌԱՎ»:*

Բարի սիրտ ունեցողը չի կարող առանց հուզմունքի կարդալ այս  
պատմությունը, պատմություն, որը կարող է դաս տալ այն մարդկանց,  
որոնք մտածում են միմիայն իրենց «ես»-ի մասին: Հասարակ մի մարդ,  
պարզ մեկի համար իր կյանքն է գոհում, ոչ թե նրան հավիտենական կյանք  
պարգևելու, այլ նրա կյանքը երկարացնելու համար: Անշուշտ սա էլ մեծ  
գոհողություն է: Մինչդեռ մեր Տերը, որը նույնպես երիտասարդ էր, ընդա-  
մենը 33 տարեկան, Իր կյանքը գոհեց մարդկության մեղքերի փրկության  
համար, որպեսզի հավիտենական կյանք ունենանք:

Ճանաչենք մեր ամենամեծ Բարեկամին՝ Հիսուս Քրիստոսին, մոտե-  
նանք նրան ու կատարենք Նրա բոլոր պատվիրանները, որոնք սեր և  
արդարություն են խրատում ու բարի գործեր կատարենք, առանց սպասելու  
որևէ փոխհատուցման: Ամեն: